



2017 ETA 2020 URTE BITARTEAN, SALMENTA IBILTARIKO SIMON BOLIBAR PLAZAKO ALDIAN BEHINGO AZOKAKO SALTOKIAK ESLEITZEKO OINARRIAK

1. IZAERA ETA KOKAPENA

Simon Bolibar plazan egiten den salmenta ibiltari eta aldian behingo azokako saltokiak 2017, 2018, 2019 eta 2020 urteetarako esleitzeko deialdia kudeatzea —norgehiagoka baliatuko da horretarako—.

Honako produktu-motak salduko dira salmenta ibiltariko azoka horretan:

- Ibiltariak: Norberarentzako gaiak
Etxerako gaiak
- Saltzaileek berek ekoizitako barazki eta fruituak edo eskuz landutako janariak
- Mintegiko produktuak: baratzeko landareak, zuhaitz eta zuhaixkak, eta landare apaingarriak.
- Sasoiko barazki eta fruituak (gehienez ere ondoz ondoko 3 hilabete urteko)

2. KUDEATZEKO MODUA

Udalak kudeatuko du, zuzenean kudeatu ere, Simon Bolibar plazako salmenta ibiltariko azoka.

3. AZOKA EGUNAK ETA ORDUTEGIA

Aldian behingo azoka izaki, ostegun eta larunbatetan egingo da, goizeko 07:30etatik 14:00etara bitartean.

4. TASA ETA PREZIO PUBLIKOAK

Saltokiak jartzen direlarik, bide publikoa okupatzeagatiko prezioa —dena delako udal ordenantzan arautua dagoena— ordaindu beharra izango da.

Udal ordenantza fiskaletan eta arau osagarrietan finkatutakoari jarraiki likidatuko dira prezio publiko horiek; udaleko Diru-bilketa Zerbitzuak kudeatuko ditu, eta ez dira itzuliko edozein arrazoi pertsonal dela eta interesduna azokara joaten ez bada ere, ezta eguraldi txarragatik ere.

5. UDAL ERREGISTROA

Saltokiak kontrolatu eta kudeatze aldera, Simon Bolibar plazako Salmenta Ibiltariko Merkatarien Udala Erregistroa sortuko da. Ekoizle edo saltzaile bakoitzaren datu hauek jasoko dira bertan:



- Erregistroan izena eman zen eguna.
- Titularraren datu pertsonalak
- Titularkideen datu pertsonalak.
- Zein azokatan diharduen.
- Diharduen saltokien zenbakiak.
- Saltzen dituen produktuen zerrenda.
- Gizarte Segurantzako erregimena.
- Ekonomi Jardueren gaineko Zerga: epigrafea eta izena eman zen eguna
- Behar izanez gero, osasungarritasun erregistroaren zenbakia.
- Behar izanez gero, nekazaritza ustiategiaren zenbakia.

6. SALTOKIEN EZAUGARRIAK:

Udalak adierazten dituen instalazio desmuntagarri estalkidunetan egingo da salmenta azokan. Betiere baimena beharko da alde zurretik.

Gehienez 84 saltoki izango dira, 4 ataletan banatuta:

1) Norberarentzako eta etxerako gaiak: 62 saltoki

2) Barazki eta fruituak edo eskuz landutako janariak: 7 saltoki Azoka ahalik eta erakargarrien gerta dadin, honako merkataritza-nahastura objektiboa ezarri da. Eskaera nahikoak ez existitzeagatik kategoria batzuk beteko ez balira, aldaketak eman litezke merkatuaren interesaren alde.

- Fruitu eta barazkiak, prosezatu gabeko produktuak, olioak, eztiak eta ardoa saltzeko 3 saltoki. Honen arabera:
 - Fruitu eta barazkiak saltzeko 2 saltoki.
 - Ardoa eta likoreak saltzeko saltoki 1
- Eskuz landutako beste janariak saltzeko 4 saltoki. Honen arabera:
 - Gozogintza saltzeko saltoki 1
 - Gazta saltzeko saltoki 1
 - Hestebeteak saltzeko saltoki 1
 - Ogia saltzeko saltoki 1

3. Mintegiko produktuak: 8 saltoki.

4. Sasoiko barazki eta fruituak: 6 saltoki.

Gehienez 6 metro luze eta 2,5 metro zabal izango dira.



Saltoki guztiek diseinu bera edukiko dute, eta Gasteizko Udalak adierazitako kokalekua errespetatu beharko da betiere.

Gasteizko Udalak adierazitako lekuetan jarriko dira saltokiak, eta ezin izango da baimendutako baino azalera handiagorik erabili.

Saltokia baino handiago ezin izango diren eta gutxienez 60 cm-ko garaiera izan beharko duten mahai edo astotxoetan jarri beharko dira salgaiak, inolaz ere ez lurrian.

Salgai pisagarri eta neurgarriak eskaintzen dituzten saltokiek arauzko baskula edo neurtzeko beste tresna batzuk beharko dituzte, behar bezala homologatuta. Era berean, neurtzeko tresna horiek arauzko egiaztapenak eginak izan beharko dituzte, eta horiek dagozkien etiketen bidez ziurtatuko dira.

Erabat debekatuta egongo da azokan edonolako megafonia jartzea.

Merkatariaren kontura joango da saltokia muntatu eta desmuntatzea.

Eguneko jarduna bukatutakoan saltokia egon den lekua eta ingurua garbi utzi beharko dituzte saltzaile ibiltariek.

Idatziz aurkeztu beharko da saltokitik uko egiteak.

7. SALTOKIA ALDATZEKO ESKATZEKO PROTOKOLOA

7.1 BALDINTZAK

Idatziz aurkeztu beharko da saltokia aldatzeko eskaera. Behin eskaera aztertuta, hark jarraian adieraziko diren eskakizunak betetzen baditu, eta une horretan saltoki librerik baldin balego, Udalak idatziz bidalitako jakinarazpen bidez proposatuko dio eskatzaileari, zeinek 10 eguneko epea izango baituen jakinarazpena ematen zaien egunetik kontaktzen hasita, aldatzeko proposamena onartu edo baztertu dezan. Aldaketa onartu edo baztertu gin dela ere idatziz jakinarazi behar da.

Saltokia aldatzeko eskatzen duen saltzaileraren batek ez badu eskaintzen zaion proposamena onartzen (betiere jarraian azalduko den protokoloaren arabera), ezin izango du beste aldaketarik eskatu azoka horretan baimenaren indarraldian.

7.2 IRIZPIDEAK

- Baimenaren indarraldiak iraun bitartean leku aldaketa bat bakarra onartuko da.
- Eskatzaileak adierazi egin behar du nahitaez zein ingurutara aldatu nahi duen.
- Honako arrazoiak onartuko dira saltokia aldatzeko, eta lehentasun-hurrenkera honetan:
 1. Ezinbestekoa bada, gaixo dagoela edo ezintasunen bat duela egiaztatzen bada, betiere saltokia aldatzea eskatzeko arrazoiarekin zerikusia duelarik.
 2. Saltokia azokaren barruan merkataritza bizitza eskasa duen kaleren batean egoitea (Udalak balioetsiko du, zenbait irizpideren arabera: kale jakin horretako salto-



kiak asko aldatzen al diren titularrez, saltoki hutsen kopurua, salmenta eskasengatiko kexuak eta abar).

3. Alboko saltokietako saltzaileekin harreman txarrak izatea, gatazka larriak eragiteko modukoak (Udalak aztertu egin dezake arazoa zenbaterainokoa den, ofizioa edo Jarraipen Batzordeko kideei galdetuta).
4. Eskatzailearen merkataritzako sortaren eta ondoko saltokien arteko antzekotasunek sortutako arazoak.

Honako irizpideak jarraituko dira lekuz aldatuko diren saltokiak eskatzaileen artean esleitzeko hurrenkera erabakitzeko:

1. Saltzaileak eskatzen duen lekuan saltoki libreren bat egotea.
2. Eskatzailearen baimenaren antzintasuna.
3. Aldatzeko eskakizuna Udal Erregistroan sartze-hurrenkera.
4. Ahal delarik, kontua hartuko da aldaketa egingo den inguruaren merkataritzanahastura.

8. SALGAIAK

Salmenta ibiltarirako udal baimen edo lizentzian adierazten diren produktuak bakarrik merkatu-ratu ahal izango dira azoka honetan.

Barazki eta fruituen, eta eskuz landutako janarien saltzaileen kasuan, saltzaileak bere lur sail edo instalazioetan ekoizitako produktuak izan beharko dute. Berariaz egongo da debekatua besteri erositako produktuak saltzea

Olioia, eztia edo ardoaren moduko produktuen kasuan, baimenaren titularrek lehengaiaren sortzaileak ere izan beharko dute.

Honela definitzen dira sasoiko barazki eta fruituak: mendian bildutako produktu freskoak, eraldaketa prozesurik pasa ez dutenak, edo saltzaileek erregistratutako beren nekazaritza ustiapenetan landutakoak izanik, sasoi jakin batean baino ekoizten ez direnak eta, gainera, Lakua-Arriagako salmenta ibiltariko azokan urte osoko elikagaien ekoizleentzako saltokietan merkaturatzen ez direnak. Denbora-muga bat egongo da era horretako produktuak azokan saltzeko: ondoz ondoko hiru hilabete gehienez urteko.

Perretxikoen salmentari dagokionean, deialdi honetako III. Eranskinean jasotakoa bete beharko da.

Produktu mota bat baino gehiago saltzeko saltokiak baimendu ahal izango dira, baldin eta guztiak kategoria edo sektore berekoak badira.

Janariak, edonolakoak izanik ere, itzalpean eduki beharko dira.

Janariak saltzeari, ontziratzeari eta gainerakoei dagokienez, indarrean dauden araudi teknikoak nahiz osasunaren alorrekoak bete beharko dira.



Eskuztatzen dituen pertsonak tratatu beharreko janarien kasuan, kanpoko kutsaduratik behar bezala babestuta egon beharko dute produktuek, kontserbazio baldintza egokietan, eta, behar izanez gero, hoztuta –hozteko bitrinetan–. Gainera, prebentziozko higiene eta osasun arauak oro errespetatu beharko dira, janariak eskuztatzean.

Debekatuta dago jakiak denda finkotik kanpora maneiatzeari.

9. ELIKAGAIEN SEGURTASUNA ETA HIGIENE ETA KONTSUMO BALDINTZAK

- Debekatuta dago faltsifikatutako produktuak saltzea.

- Deialdi honen babesean zuzeneko salmenta egiten dituzten ustategietako titularrak izango dira saltzen dituzten produktuen segurtasun eta kaltegabetasunaren erantzuleak.

- Saltokien kokapenak, egiturak eta materialek Araudiak ezarritako higiene eta osasunaren alorreko betebeharrak bete beharko dituzte.

- Elikagaietako saltokiek honako hauek izango dituzte:
 - Beharrezkoa balitz, hotzaren kateari ondo eusteko ekipamendu egokia, termometro eta guztiz.
 - Gorabehera meteorologikoen eta eguzki-erradiazioak produktuak ez kaltetzeko sistema.
 - Produktuaren jatorria ziurtatzen duten agiriak.

- Debekatuta dago jakiak denda finkotik kanpora maneiatzeari, haiek zatikatzea izan ezik.

- Ontziratutako elikagaiak errotuluan edo ikusteko moduko kartelean honakoak azaldu beharko dituzte: produktuaren izendapena eta jatorria, eta kasua hala balitz, alergenoen identifikazioa, kontsumitzaileen baten behar izanez gero.

- Zatikako salmentaren elikagaietan: jatorrizko ontzia gorde beharko da, etiketa eta guztiz, salmenta amaitu arte, beti identifikatuta gera dadin elikagaiaren jatorria.

- Ontziratutako elikagaien produktuak indarrean dagoen araudiaren ildotik etiketatu beharko dituzte.

- Ondo gordetzeko ozteko sistema behar duten produktu guztiek hozkailu-erakustokian egon beharko dute hotzaren katea ez apurtzeko.

- Janariak ukitu behar dituzten langileak oso zorrotzak izango dira une oro beren garbitasunari dagokionez eta indarreko legediak xedatutako Elikagaien Higieneko Prestakuntza eduki beharko dute.



- Elikagaiak higie-ne eta osasunaren alorreko baldintza egokiak izan beharko dituzte, eta ezin izango dute lurzorua zuzenean ukitu. Ezin izango dira biltegitatu ere ekoizlearenak ez diren beste izen komertzialekin ontziratuta egon edo halaxe kutxetan sartu.
- Salgai jarritako produktuei aplikatu beharreko higie-ne eta osasun araudietan finkatutako baldintzak bete beharko dituzte saltokiek.
- Saltokien titularrek ageriko lekuan jarri beharko dute udal baimena, baita prezioen zere-rendak ere –irakurtzeko moduan, hau da, galdetu beharrik ez izateko moduan–, balizko erreklamazioak bideratzeko helbidea, eta eskuz landutako janarien kasuan, gainera, osasun erregistroko zenbakia.
- Saltokiek eta salgaiak garraiatu eta gordetzeko ibilgailuek garbitasun egoera egokian egon beharko dute.

10. IBILGAILUAK

Salgaiak garraiatu eta gordetzeko ibilgailuek horretarako adierazten diren bideetatik joan beharko dute, agindutako noranzkoan.

Saltzaileen premietara eta merkataritza-ordutegira egokituko dira zamalanak, baina ezingo dira hasi, inolaz ere, goizeko 07:30ak baino lehenago, ezta 09:00ak baino geroago ere. Nolanahi ere, azoka bukatu ondoren kargatu beharko dira produktuak, 14:00etatik 15:30era bitartean.

Azokarako salgaiak garraiatu eta gordetzeko baino ezingo dira baliatu ibilgailuak, eta ezingo da bertatik deus ere saldu, saltoki gisa egokitutako ibilgailuetatik izan ezik.

11. SALTOKIETAKO LANGILEAK. BALDINTZAK

Saltzeko lizentzia emango bazaio, deialdia egin duen udal administrazioari ordaindu beharrekoak ordainduta eduki beharko ditu eskabidea egiten duen pertsonak.

Ofizios egiaztatuko du Gasteizko Udalak hori horrela den, jasotako eskabideak balioestera-koan. Baztertu egingo da balioesteko unean eskakizun hori betetzen ez duen eskabide oro.

Barazki eta fruituen, eta eskuz landutako janarien saltzaileen kasuan, azokan parte hartzeko, nahitaezko eskakizuna da baita salgaien ekoizle edo egile izatea.

10 langile baino gutxiago dituzten eskulangintza enpresek bakarrik parte hartu ahal izango dute azoka horretan, “barazki eta fruituak eta eskuz landutako janariak” atalean.

Pertsona fisikoen kasuan, titularrak ez ezik, beste bi titularkidek ere baliatu ahal izango dute baimena –ezkontidea nahiz 1. eta 2. mailako odol ahaidetasu-neko seni-deek izan ahalko dira.

Pertsona juridikoen kasuan, bazkide diren hiru langilek jardun ahal izango dute saltzen, edo bi bazkidek eta enpresaren soldatapeko pertsona batek, edo bazkide batek, enpresaren soldatapeko bi langilerekin.



Titularrak zein titularkideek Gizarte Segurantzako dagokion erregimenean alta emanda egon beharko dute baimenak irauten duen denbora osoan.

Pertsona juridikoen kasuan, soldatapeko langileak Gizarte Segurantzaren erregimen orokorrean alta emanda egon beharko dira, besteren konturako langile gisa.

Saltokian egongo diren langileen datuak berariaz adierazi beharko dira salmenta ibiltarirako lizentzia eskatzen denean. Nolanahi ere, ezingo dira bi titularkide baino gehiago izan lizentzia bakoitzeko, eta saltokiak esleitzeko eskatzen diren betebeharrak eta baldintzak oro bete beharko dituzte.

Baimenaren titularra hilko balitz, lehen graduko senideek izango lukete beste baimen bat lortzeko lehentasuna.

Janariak ukitu behar dituzten langileak oso zorrotzak izango dira une oro beren garbitasunari dagokionez eta indarreko legediak xedatutako Elikagaien Higieneko Prestakuntza eduki beharko dute.

12. ESKABIDEA AURKEZTEKO LEKUA ETA EPEA

Lehenengo deialdi publikoa egingo da eta interesa duten pertsona fisiko edo juridikoen dagokion eskabidea aurkeztu beharko dute martxoaren 6tik 17ra bitartean:

- Udalaren bulego teknikoak (Dublang Margolariaren kalea); orduetgia: 08:30etik 14:00etara.
- Herritarrei laguntzeko bulegoak.
- Telefono bidezko argibideak: 010 eta 945-161100.

Saltokia eskuratzeko eskabidea egiten delarik, deialdiaren oinarriak onartzen direla esan nahiko du.

Oro har, ez da salmenta-eskabiderik onartuko horretarako jarritako epetik kanpo.

Titular eta titular-kideek eskabide bakarra aurkeztu ahal dute. Bat baino gehiago aurkeztuz gero, Udal Erregistroan lehenik aurkeztu dena bakarrik hartuko da aintzat. Pertsona bera titular gisa ageri bada eskabide batean eta titularkide gisa beste batean, bi eskabideak ezetsiko dira.

Eskabidean adierazi behar da zein egunetarako eskatzen den lizentzia (osteguna eta/edo larunbata).

Gasteizko Udalaren Salmenta ibiltaria arautzen duen Ordenantzak araututako aldiari behingo azoka bat baino gehiagotan saltzeko lizentzia eskuratzeko eskabidea egiten duten saltzaileek, azoka bakoitzeko aurkeztu beharko dituzte 13 oinarrian eskatutako agiriak. Eskabidea aurkeztu den azoka-kopuruaz aparte, ziurtagiri ofizialak behin besterik ez dira aurkeztu beharrik izango, baimen eskaerako batekin batera, eta honako hauek izango dira egiaztagiri ofizial horiek: Ekoizpen ekologikoarena, nekazaritza ekologikora bihurtzearena, Jatorri-



izendapenaren egiaztageria, dagokion kontseilu arautzaileak emana, Nekazaritzako elikagaien kalitatearena, prestakuntza ikastaroetan izandako asistentzia eta aprobetxamenduari buruzkoak, Elbarritasun edo ezintasunen bat duela aitortzearena, Kontseilu arautzaileak emandako kalifikazio-dosierra...

Agiri hauek erantsi beharko zaizkie eskabideei:

13.- AURKEZTU BEHARREKO AGIRIAK:

A. ELIKAGAIEN ATALA - BARAZKI ETA FRUITUEN ETA ESKUZ LANDUTAKO ELIKAGAIEN EKOIZLEAK:

- Salmenta ibiltariko azokan saltokia ipintzeko eskabide-inprimakia.
- Eskatzaileak izenpetutako erantzukizunpeko aitortpena, non Gasteizko Udalerrian salmenta ibiltaria arautzeko udal ordenantzako eta deialdi honetako betebeharrak betetzen direla adierazten baitu (I. eranskina ibiltarien kategorietako eskatzaileentzat: norberarentzako eta etxerako ekipamendurako gailuak, barazki eta fruituen eta eskuz landutako nahiz mintegiko produktuak; eta II. eranskina sasoiko barazki eta fruituen eskatzaileentzat).
- Pertsona fisikoen kasuan: titularraren eta titularkideen nortasun-agiriaren fotokopiak, edo Europar Batasunaz kanpoko kasuan, atzerritarren alorrean indarrean dagoen legeriak eskatutako lan eta egoitza baimenen fotokopiak.
- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Nekazaritza/Abeltzaintza ustiategiaren erregistroaren egiaztageria eta nekazaritza/abeltzaintza ustiategi edo antzekoaren fitxa, bakoitza dagokion administrazioak emana, lursailen kokapen zehatza eta dagozkien eranskinak agertzen dituztela. Eta behar izanez gero, makineria edo instalazio osagarriak.
- Osasungarritasun erregistroaren zenbakia edo Autonomia-erkidegoen erregistroan egindako inskripzioa edo Osasun Baimena, dagokion administrazioak emana.

Halakorik baldin bada:

- Ekoizpen ekologikoaren egiaztageria ofiziala
- Nekazaritza ofizialera bihurtzearen agiria ofiziala
- Jatorri-izendapenaren egiaztageria, dagokion kontseilu arautzaileak emana.
- Nekazaritzako elikagaien kalitate-agiria ofiziala (labela, ekoizpen kontrolatua, berme marka, etab.).
- Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan izan duen asistentzia eta aprobetxamenduari buruzko egiaztageria ofiziala, eskatzailearen izenean: bezeroari arreta eskaintzea, saltokiaren irudia, marketina,



salgai jarritako elikagaiak eskuz egiteko prozesua, nekazaritza-ekoizpen teknikak, edo antzekoak.

- Elbarritasun edo ezintasunen bat duela aitortzeko ziurtagiri ofiziala, eskabidearen titularraren izenean.
- Ardoaren kasuan, azken kalifikazio-dosierra, dagokion kontseilu arautzaileak emana.

B. LANDARE MINTEGIEN ATALA:

- Salmenta ibiltariko azokan saltokia ipintzeko eskabide-inprimakia.
- Eskatzaileak izenpetutako aitordena, non Gasteizko Udalerrian salmenta ibiltaria arautzeko ordenantzako eta deialdi honetako betebeharrak betetzen direla adierazten baitu (I. eranskina).
- Pertsona fisikoen kasuan: titularraren eta titularkideen nortasun-agiriaren fotokopiak, edo Europar Batasunaz kanpoko kasuan, atzerritarren alorrean indarrean dagoen legeriak eskatutako lan eta egoitza baimenen fotokopiak.
- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Hazi eta landare-mintegien ekoizleen erregistroan izena emanda egotearen egiaztatzea.
- Hazi eta landare-mintegien merkatarien EAEko erregistroan izena emanda egotearen egiaztatzea.
- Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan izan duen asistentzia eta aprobetxamenduari buruzko egiaztatzea ofiziala, eskatzailearen izenean: bezeroari arreta eskaintzea, saltokiaren irudia, marketina, landareak eta loreak hazteko teknikak, edo antzekoak.
- Elbarritasun edo ezintasunen bat duela aitortzeko ziurtagiri ofiziala, eskabidearen titularraren izenean.

C. IBILTARIEN ATALA (NORBERARENTZAT ETA ETXERAKO GAIK):

- Salmenta ibiltariko azokan saltokia ipintzeko eskabide-inprimakia.
- Eskatzaileak izenpetutako aitordena, non Gasteizko Udalerrian salmenta ibiltaria arautzeko ordenantzako eta deialdi honetako betebeharrak betetzen direla adierazten baitu (I. eranskina).
- Pertsona fisikoen kasuan: titularraren eta titularkideen nortasun-agiriaren fotokopiak, edo Europar Batasunaz kanpoko kasuan, atzerritarren alorrean indarrean dagoen legeriak eskatutako lan eta egoitza baimenen fotokopiak.



- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan izan duen asistentzia eta aprobetxamenduari buruzko egiaztagiria ofiziala, eskatzailearen izenean: bezeroari arreta eskaintzea, saltokiaren irudia, marketina, edo antzekoak.
- Elbarritasun edo ezintasunen bat duela aitortzeko ziurtagiri ofiziala, eskabidearen titularraren izenean.
- Lan-bizitzaren egiaztagiria, eskatzailearen izenean emana.

D. SASOIKO BARAZKI ETA FRUITUAK

- Salmenta ibiltariko azokan saltokia ipintzeko eskabidea.
- Eskatzaileak izenpetutako atortpena, non Gasteizko Udalerrian salmenta ibiltaria arautzeko ordenantzako eta deialdi honetako betebeharrak betetzen direla adierazten baitu (1. eranskina).
- Pertsona fisikoen kasuan: titularraren eta titularkideen nortasun-agiriaren fotokopiak, edo Europar Batasunaz kanpoko kasuan, atzerritarren alorrean indarrean dagoen legeriak eskatutako lan eta egoitza baimenen fotokopiak.
- Pertsona juridikoen kasuan, eratze eskrituren fotokopia; eskatzailearen ordezkatzeko ahalmena jasotzen duen agiria eta Identifikazio Fiskalerako txartelaren fotokopia.
- Nekazaritza/Abeltzaintza ustiategiaren erregistroaren egiaztagiria eta nekazaritza/abeltzaintza ustiategi edo antzekoaren fitxa, bakoitza dagokion administrazioak emana, lursailen kokapen zehatza eta dagozkien eranskinak agertzen dituztela. Eta behar izanez gero, makineria edo instalazio osagarriak.
- Osasungarritasun erregistroaren zenbakia edo Autonomia-erkidegoen erregistroan egindako inskripzioa edo Osasun Baimena, dagokion administrazioak emana.

14. BALORAZIO IRIZPIDEAK

14.1 JANARIEN ATALA - BARAZKI ETA FRUITUAK ETA ESKUZ LANDUTAKO JANARIAK

14.1.1- FRUITU ETA BARAZKIAK, PROSEZATU GABEKO PRODUKTUAK, OLIOA, EZTIA ETA ARDOA. Gehienez, 9 puntu:

1.1.- SALGAIK EKOITZI EDO EGIN DIREN LEKUAREN ETA AZOKAREN ARTEKO GERTUTASUN FISIKOA gehienez, 4 puntu.

- Produktuen zatirik handiena Gasteizko udalerrian ekoitzi edo lantzea: 4 puntu.



- Produktuak Gasteizko udalerritik kanpo ekoitzi edo lantzea, Arabako lurralde historikoko besteren batean: 3 puntu.
- Produktuen zatirik handiena Arabako lurralde historikotik kanpo, mugakide diren probintzietan ekoitzi edo lantzea: 2 puntu.

1.2.- PRODUKTUAREN KALITATEA: gehienez, 3 puntu:

- Egiaztatutako ekoizpen ekologikoa: 2 puntu gehienez.
- Ekoizpen ekologiko izateko bidean: 1 puntu gehienez.
- Kalitate egiaztagiria duen produktua, edo dagokion kontseilu arautzaileak emandako Jatorri Izendapena duena: 1 puntu gehienez.

1.3.- PRESTAKUNTZA: puntu 1 gehienez

Eskabidearen titularrak Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan parte hartu izana: bezeroari arreta eskaintzea, saltokiaren irudia, marketina, salgai jarritako elikagaiak eskuz egiteko prozesua, nekazaritza-ekoizpen teknikak, edo antzekoak (elikagaien higiearen ingurukoa, eta derrigorrez eduki beharrekoa izan ezik).

Egiaztatutako prestakuntza ikastaroaren ordu kopurua aintzat hartuta balioetsiko da, eta gehienez ere puntu bat emango da:

- | | |
|------------------------------|------------|
| • 15 ordura arte: | 0,25 puntu |
| • 16 eta 30 ordu bitartekoa: | 0,50 puntu |
| • 31 eta 45 ordu bitartekoa: | 0,75 puntu |
| • 46 eta 60 ordu bitartekoa: | Puntu 1 |

1.4.- BESTE IRIZPIDE BATZUK PUNTU 1 GEHIENEZ

- Eskabidearen titularrak % 33ko edo hortik gorako elbarritasun edo ezintasunen bat izatea: 0,50 puntu.
- Gizarte-ekonomiaren forma juridikoak. 0,50 puntu

14.1.2 ESKUZ LANDUTAKO BESTE JANARI

Gainera, "Eskuz landutako beste janari" atalean, fruitu eta barazki, eraldatu gabeko produktu, olio, ezti eta ardoaren kasuan (9 puntu arte baloratuta) aldez aurretik zehaztutako irizpide eta puntuazioez gain, beste 2 puntu arte baloratuko dira saltzen den produktua egiteko lehen-gai/osagai nagusia norberak ekoiztuz gero.

14.2 MINTEGIKO LANDAREEN SALTZAILEAK

A. SALGAIK: 4 PUNTU GEHIENEZ.

Eskatzaileak aldi berean saltzaile eta ekoizle badira, 4 puntu eskuratuko dituzte.

B. PRESTAKUNTZA: PUNTU 1 GEHIENEZ

Eskatzaileak Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan parte hartu izana: bezeroari arreta eskaintzea, saltokia-



ren irudia, marketina, landareak eta loreak hazteko teknikak, edo antzekoak, baratzezaintza ekologikoa, kontrol fitosanitarioak edo antzekoak (nahitaezkoa den kontrola izan ezik)

Egiaztatutako prestakuntza ikastaroaren ordu kopurua aintzat hartuta balioetsiko da, eta gehienez ere puntu bat emango da:

- 15 ordura arte: 0,25 puntu
- 16 eta 30 ordu bitartekoa: 0,5 puntu
- 31 eta 45 ordu bitartekoa: 0,75 puntu
- 46 eta 60 ordu bitartekoa: Puntu 1

C. BESTE IRIZPIDE BATZUK: PUNTU 1 GEHIENEZ

- Titularrak % 33ko edo hortik gorako elbarritasun edo ezintasunen bat izatea: 0,50 puntu.
- Gizarte-ekonomiaren forma juridikoak. 0,50 puntu.

14.3 IBILTARIEN ATALA: NORBERARENTZAKO ETA ETXERAKO GAIAK

A. IBILBIDEA ETA PROFESIONALITASUNA SALMENTA IBILTARIAN IZANDAKO JARDUERAN: 2 puntu gehienez.

Eskatzaileak ohikotasunez, legearekin bat eta lanbide gisa burututako salmenta ibiltaria balioetsiko da, jarduera burutu duen geografia eremua kontuan hartu gabe. Gehienez ere 2 puntu. Azken hiru urtean salmenta ibiltaria honako denboraz lanbide izan duten pertsonak:

- Kotizatutako egun kopurua 130 eta 270 artekoa: 0,50 puntu
- Kotizatutako egun kopurua 271 eta 400 artekoa: Puntu 1
- Kotizatutako egun kopurua 401etik gorakoa: 2 puntu

B. PRESTAKUNTZA: 2 puntu gehienez.

Eskatzaileak Europako Batasunean azken hiru urteetan jarraian zerrendatuko diren esparruekin loturiko prestakuntza ikastaroetan parte hartu izana: bezeroari arreta eskaintzea, saltokiaren irudia, marketina edo antzekoak.

Egiaztatutako prestakuntza ikastaroaren ordu kopurua aintzat hartuta balioetsiko da, eta gehienez ere 2 puntu emango dira:

- 15 ordura arte: 0,5 puntu
- 16 eta 30 ordu bitartekoa: Puntu 1
- 31 eta 45 ordu bitartekoa: 1,5 puntu



- 46 eta 60 ordu bitartekoa: 2 puntu

C. BESTE IRIZPIDE BATZUK: PUNTU 1 GEHIENEZ

- Titularrak % 33ko edo hortik gorako elbarritasun edo ezintasunen bat izatea: 0,50 puntu.
- Gizarte-ekonomiaren eta/edo bidezko merkataritzaren forma juridikoak. 0,50 puntu.

14.4 SASOIKO BARAZKI ETA FRUITUAK

Saltokiak esleitzerakoan lehentasuna markatzeko merkaturatze-nahastura hartuko da kontuan. Irizpide hori erabakigarria ez bada, dauden saltokiak baino eskabide gehiago dagoen garaietan, Erregistroko sarrera-datari jarraiki lehenetsiko dira esleipenak.

15. SALTOKIAK ESLEITZEKO PROZEDURA

Gasteizko Udaleko Gobernu-Batzarrak delegatuta, Enpleguaren eta Garapen Ekonomiko Iraunkorra sailaren zinegotziaren ebazpenen bidez eman edo ukatuko dira eskatutako saltokiak.

Eskaeren balorazio eta ordena 14. puntuan aurreikusitakoaren arabera egingo da. Puntuazio aldetik berdinketa balego, merkataritza mixa hartuko da kontutan eta, hau ere erabakigarria ez balitz, eskaera horiek izan duten sarrera ordena udal-erregistroan.

Itxaron zerrenda osatuko da sekzio bakoitzeko, esleipena eskuratu ez duten eskatzaileekin. Itxaron-zerrendako hurrenkera saltokiak esleitzeko irizpideen arabera erabakiko da. Berdinketa gertatuz gero, merkataritza-nahasturaren irizpide hartuko da kontuan; hala ere berdinketak berean jarraitzen badu, aintzat hartuko da eskabideak Erregistro Orokorrean sartzeko data. Hutsik gera daitezkeen saltokiak esleipena itxaron-zerrendako hurrenkeraren arabera egingo da.

Janarien atalean (14.1), hutsik gera daitezkeen saltokiak honen arabera esleituko dira:

1. Plaza hutsari dagokion azpi-kategoriaren itxaron-zerrenda.
2. Plaza hutsari dagokion kategoriaren itxaron-zerrenda.
3. Gainerako kategorien itxaron-zerrenda
4. Utsik dauden saltokiak esleitzeko eta itxarote zerrenda zabaltzeko deialdia.

Eskatzaileek gehienez ere 3 toki hautatu ahal izango dute, erantsitako planoan kontuan hartuta, eta eskaera-orrian markatuko dituzte saltoki-zenbakiak nahi dutenaren arabera Saltoki bera eskatzaile batek baino gehiagok nahi izanez gero, lehenengo erreparatuko zaio saltokiaren hurbiltasunari pasaden deialdiarekin, bigarren, eskuratutako puntuazioari, hirugarren, aurreko deialdian emandako kokapenarekin daukan hurbiltasunari, eta laugarren, merkataritzazko sortari, eta azkenik, Udal Erregistroan sarrera egindako eskaeraren hurrenkerari. Eskatutako postuak esleituta egonez gero, eskatutako saltokitik hurbilen eta eskuragarri daudenak esleitzeari ekingo litzaioke. Kokalekurako preferentziarik adierazi ez diren eskabideetan, bete gabeko saltokiak hartuko dira kontuan.



Kokapenaren esleipenerako bi puntu gehigarri egokituko zaizkie fruitu eta barazki, eraldatu gabeko produktu, olio, ezti eta ardoari dagozkien eskaerei, artisau-elikagaiei eskainitako puntuazio arte parekatzeko, ekoizle izaera kategoria horren ezaugarriekin bat datorrela ulertuz.

Behin eskabideak balioetsita, bi zerrenda argitaratuko dira, bata esleipendunenena, bestea itxaron-zerrendan geratu direnena. Apirilaren 7tik aurrera izango dira eskuragai zerrenda horiek, 010 telefonoan eta Udalaren web-orrian (www.vitoria-gasteiz.org)

Dena dela, Udalak bere gain izango du saltokiak birkokatzeko eskubidea, eskaeraren eta saltokiak antolatzekeo beharren arabera.

16. ESLEIPENDUNEK AURKEZTU BEHARREKO DOKUMENTAZIOA

Esleipendunek jarraian adierazten diren agiriak aurkeztu beharko dituzte Gasteizko Udaleko herritarrei laguntzeko bulegoren batetan, Apirilaren 10etik 18ra bitartean (sasoiko barazki eta fruituak saltzeko baimenen esleipendunek Apirilaren 10etik baimenaren abiarazi eguna baino hiru egun lehenagora arteko epean aurkeztu ditzakete):

- Titularrari eta titularkideei (direla bazkide, direla soldatapeko) dagozkien Gizarte Segurantzako azken ordainagiriaren fotokopiak, edo dagokion Gizarte Segurantzaren dagokien erregimenean alta emanda egotearena
- Azokan zehar, berorren ondorioz kalte-galerarik sortuko balitz ere, horiek estaliko dituen erantzukizun zibileko aseguruaren ordainagiria eta poliza bera.
- Titularraren eta titularkideen argazki bana, agiri tamainakoak.
- Azoka honetan salmenta ibiltarian aritzeagatik Udalari hileru ordaindu beharrekoak helbideratuko zaizkion kontu-zenbakiaren titulartasunaren ziurtagiria.
- Ekonomi Jardueren Gaineko Zergaren alta, edo Ekonomi Jardueren Gaineko Zergaren barruan dagokion epigrafean alta eta bajen egiaztagiria
- Pertsona fisikoa bada ekoizlea:
- Eskura dauden bitartekoak (IV. Eranskina)
- Produktuen urteko aurreikuspena (Artisauen kasuan V. Eranskina, eta nekazarien kasuan VI. Eranskina).
- Landaketan dauden lursailen adierazpena, lursail bakoitzerako jabetza-titulua edo alokairukoa erantsita. (VII. Eranskina)

Esleipendun suertatu direnek emandako epean beharrezko agiri guztiak aurkezten ez badituzte, horien eskabidea ezetsizat joko da.

Aurretik adierazitako agiriak aurretiaz aurkeztu direlarik, Udaletxeko bulego teknikoetan — Teodoro Dublang margolariaren kalea, 25— jaso beharko dira lizentziak apirilaren 24tik 27ra bitartean —ordutegia: 8:30etik 14:00etara—. Titularrak edo titularkideak jaso beharko dute,



nortasun agiria aurkeztuta –Europar Batasunaz kanpokoan kasuan, atzerritarren alorrean indarrean dagoen legeriak eskatzen dituen lan eta egoitza baimenaren fotokopia–. Era berean, hirugarren bati ahalmena eman ahal izango zaio baimena jaso ahal izateko, idatziz baimentzen badu eta NANaren edo horren baliokidea (Europar Batasunaz kanpokoan kasuan) den fotokopia erakutsita.

17. AKATSAK ZUZENTZEA

Saltokia jartzeko eskabideei ez bazaizkie deialdian derrigorrez eskatzen diren agiriak gehitzen, Herri Administrazioen Administrazio Prozedura Erkidearen urriaren 1eko 30/2015 Legearen 68. artikulua ildotik, eskatzaileei hamar egun naturaleko epea emango zaie akats eta okerak konpondu edo falta zaizkien agiriak aurkez ditzaten. Halaber ohartaraziko zaie hala egin ezean eskabidea bertan behera utzitakotzat joko dela eta besterik gabe artxibatu egingo dela, eta lege beraren 21.1 artikulua aurreikusitako ondorioak izango dituela horrek.

18. JARRAIPEN BATZORDEA

Enpleguaren eta Garapen Ekonomiko Iraunkorraren Sailari dagokio Simon Bolibar plazako aldian behingo salmenta ibiltariko azoka kudeatzea. "Hautatze eta Jarraipen Batzorde" bat eratuko da horretako, honako hauek osatua:

- Udaleko Enpleguaren eta Garapen Ekonomiko Iraunkorraren Sailaren zuzendaria, edo ordezkari izendatzen dituen pertsona.
- Udaleko Udaleko Gizarte Politiken eta Osasun Publikoaren Sailaren zuzendaria, edo ordezkari izendatzen duen pertsona.
- Simon Bolibar plazako salmenta ibiltariko azokako atal bakoitzeko saltzaileen ordezkari bana.
- Arabako Kontsumitzaile elkartearen ordezkari bat.
- Arabako Merkataritza Enpresen Federazioko (Aenkomer) ordezkari bat
- Gao Lacho Drom ijito elkartearen ordezkariak.

Aldian behin bilduko da batzorde hori, gutxienez urtean behin, eta zeregin hauek izango ditu:

1. Azokako merkataritza-nahasturari buruz informazioa ematea.
2. Simon Bolibar plazako Salmenta Ibiltariko Merkatarien Udal Erregistroan sartzeko eskabideez irizpena ematea.
3. Azokan egin beharreko kontrolak proposatzea, eta zein produktu ikuskatu behar diren aholkatu edo jakinaraztea.
4. Azoka arautzen duen araudia betearazteko neurriak proposatzea.
5. Saltzaile eta kontsumitzaileek egindako hobekuntza-iradokizunak jaso eta bideratzea.



19. KONTROLA ETA EGIAZTAPENA

Gasteizko Udalak edo ordezkaten duen erakundeak behar diren kontrol ekintzak egingo ditu, bai ofizioz, bai Hautatze eta Jarraipen Batzordeak proposaturik, lizentzia jaso duten saltokiak behar bezala erabiltzen direla eta horietan bideratzen den jarduera ebazpen honetan, kaleko salmenta arautzeko ordenantzaren (BOTHA 143 zk. 2016ko abenduaren 21a) eta aplikagarri zaizkion gainerako arauetan xedatutakoarekin bat datorrela bermatze aldera.

Produktuak, jarduerak, ibilgailuak eta instalazioak ikuskatu ahal izango ditu horretarako, eta behar diren argibideak eta agiriak eskatu saltzaileei.

20. LIZENTZIA

Honako datuak jasoko dira baimenean: saltokiaren titularraren izen-abizenak eta argazkia, titularkideen (direla bazkide, direla soldatapeko) izen-abizenak eta argazkiak, dagokien saltokiaren zenbakia, saldu dezaketen lekuak, baimendutako produktuak eta esleipenaren indarraldia ere. Horrez gain, balizko erreklamazioak bideratzeko eskatzaileek eman duten helbidea ere gehitu ahal izango da.

Vitoria-Gasteizko udalerrian salmenta ibiltaria arautzeko ordenantzaren 18.15 eta 19 d) artikuluen arabera, baimenak pertsonalak eta besterenezinak izango dira; titularra ez dena ezingo du jardun ez eta transmititu ere, heriotza edo ustiategiaren belaunaldi-aldaketa kasuetan izan ezik.

21. BAIMENA IRAUNGITZEKO ARRAZOIAK

- Hauek izango dira salmenta-baimena iraungitzeko arrazoiak:
- Indarraldia bukatzen denean.
- Titularrak uko egitea, edo hiltzea.
- Baimena ematekotan bete beharreko baldintzetakoren bat betetzeari uztea.
- Eskatzen diren tasa edo kanonak ordaintzen ez badira.
- Kaleko salmenta arautzeko udal ordenantzaren 7. artikulua ildotik baliogabetzea.
- Baimena galtzea dakarren zigorra ezartzen bada.

22. HUTSEGITEAK ETA ZIGOR ERREGIMENA

Kaleko Salmenta arautzeko Udal Ordenantzaren VI. kapituluko 34. artikuluan adierazten dena izango da arau-hausteen sailkapena.



Udal agintariek, beren zaintza eta kontrol zereginen bitartez, ebazpen honetan jasotako xedapenak, kaleko salmenta arautzeko ordenantzan finkatutakoak eta jarduerari nahiz saltzen diren produktuei aplikagarri zaizkien gainerako lege-arauak betetzen direla bermatuko dute. Gasteizko Udalak, beharrezko diren kontrol-ekintzak egiteko udala ordezkatzeko duen erakundeak egindako txostenak har ditzake oinarri.

Araudi hori betetzen ez bada, arazko dossier zigortzailea izapidetzeari ekingo zaio, dela ofizioz, dela eskumena duen organoak edo interesdunen batek hala eskatzen duelarik.

Lizentzia eman zuen organoak izango du eskumena dosierra abiarazteko eta, behar izanez gero, egokitzat jotzen duen erabakia hartzeko.

Probidentzia baten bitartez abiaraziko da dossier zigortzailea; jakinaren gainean jarriko dira ustezko arau-hausleak eta, aldi berean, arrazoiak eta inguruabarrak azalduko zaizkie, baita ustez zein arau hautsi duten eta dosierra bideratzeko idazkari eta instruktore nor izendatu diren ere, eta hamabost egun naturaleko epea emango zaie alegazioak aurkezteko.

Kontsumitzaile eta erabiltzaileen babeserako legedi orokorrean aurreikusitakoa aplikatzeaz gain, Merkataritza Jarduerari buruzko maiatzaren 27ko 7/1994 Legean xedatutakoaren arabera zigortuko dira arau-haustekak.

23. KONFIDENTZIALTASUN-KLAUSULA

Gasteizko Udalaren Enpleguaren eta Garapen Ekonomiko Iraunkorraren Sailak eskatzaileei jakinaraziko die haien datu pertsonalak fitxategietan sartuko direla, Datu pertsonalak babesteari buruzko abenduaren 13ko 15/1999 Lege organikoa betetze aldera, udalaren kudeaketa lanak egin ahal izateko, eta horren aurka, aipatu Legeak aitortzen dituen eskubideez baliatu nahi izanez gero, Gasteizko Udalaren argibide bulegoetakoren batera jo daitekeela.

Deialdia ebatzi ondoren, Gasteizko Udalaren iragarki-taulan nahiz web-orrian argitaratu ahal izango dira emaitzak.